

البولس

تسالونيكي الثانية

المجيء الثاني = رجاء و ليس كسل

يوم الرب و مجيئه الثاني مش المفروض يكون مثار جدل فارغ لينا إننا نتوقع و نحسب يوم مجيئه ... بل مصدر رجاء و صبر لينا خصوصاً لو عندنا ضيقات و اضطهادات ... و حتى لو مافيش ضيقات، لازم يفضل فكر المجيء الثاني لربنا يدينا رجاء و قوة و يكون مبدأ رئيسي في حياتنا و خدمتنا

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه
ده مجرد ملخص بسيط، مش درس كتاب ☺

عن السفر i



BELIEF IN JESUS' RETURN & HOPE FOR FINAL JUSTICE

• NOT SPECULATION
ABOUT TIMELINES



• INSPIRED HOPE &
FAITHFULNESS FOR
PERSECUTED CHRISTIANS

WHAT YOU HOPE FOR SHAPES WHAT YOU LIVE FOR.

عدد الإصحاحات: 3

ظروف الكتابة: ?

○ بعد ما القديس بولس كتب رسالته الأولى لأهل تسالونيكي، جاله أخبار إن الحاجات اللي نبههم ليها في الرسالة الأولى ماتحسنتش بل بالعكس الوضع ساء، خصوصاً في حاجتين:

1. الاضطهادات

2. الكلام على مجيء السيد المسيح الثاني (يوم الدينونة)

هدف السفر:

○ كتب القديس بولس رسالة ثانية ليها عشان يحل المشاكل دي

ترتيب السفر

إصحاح #1 - النصف الأول

الرجاء في الضيقات و الاضطهادات

إزاي نفكر بطريقة مسيحية صحيحة وسط الضيقات

إصحاح #1 - النصف الثاني

يوم الدينونة و المجيء الثاني

يوم الرب كمصدر تعزية في الضيقات

إصحاح #2 - النصف الأول

موعد يوم الدينونة

سخافة و عدم جدوى التفكير في موعد المجيء الثاني

إصحاح #2 - النصف الثاني

علامات يوم الدينونة

مجموعة من علامات يوم الدينونة مع التأكيد على الهدف: الرجاء و ليس التوقع


إصحاح #3

رسالة لمن لا يريد أن يعمل

رسالة لكل واحد كسول عايز يعيش عالة على غيره بحجة انتظار يوم الرب

ملخص السفر

1: الرجاء في الضيقات و الاضطهادات



- بدأ القديس بولس الرسالة كعادته (ص 1 : 1 ل 3) بصلاة و شكر للمؤمنين في المدينة على صفات حلوة عندهم
- شجّعهم القديس بولس على الاستمرار في الصبر و أكد لهم إنهم باحتمالهم و صبرهم هيقتنوا أنفسهم (زي ما قال السيد المسيح)
- و زي ما السيد المسيح تألم على الصليب و قبله بإرادته و هو ملكنا كلنا، إحنا كمان هانشارك معاه في ملكوته بصبرنا و احتمالنا للاضطهادات

حتى اننا نحن انفسنا نفتخر بكم في كل كنائس الله من اجل صبركم و ايمانكم في جميع اضطهاداتكم و الضيقات التي تحتملوها

تسالونيكي الثانية 1 : 4

الصفة الحلوة هنا هي الصبر ... لأن المؤمنين في تسالونيكي كانوا يواجهوا اضطهادات كثير من الناس و المدن اللي حوالهم (سواء يهود أو وثنيين)

نتعلّم إِيَّه؟

من يصبر إلى المنتهى فذاك يخلص ... قاعدة واضحة ربنا يسوع قالها لنا و مشي عليها
الرسل و الشهداء و القديسين

🙏 يا رب هبني الصبر و الثبات في الضيقات و الاضطهادات ... أعرف إني مختلف و ممكن
أبقى مرفوض لكن أنا صاحب رسالة

2: يوم الدينونة و المجيء الثاني



- فكّرهم إن الضيقات مش هاتستمر للأبد ... و إن ربنا هايحكم لهم و يعاقب اللي ظلمهم
كقاضي عادل

إذ هو عادل عند الله أن الذين يضايقونكم يجازيهم ضيقاً وإياكم الذين تتضايقون راحة معنا عند استعلان الرب يسوع من السماء مع ملائكة قوته

تسالونيكي الثانية 1 : 6 و 7

الظالمين دول رفضوا السيد المسيح و كانوا عايزين يبعدوا عنه طول حياتهم ... و لو استمروا في عنادهم هايكون عقابهم في اليوم الأخير إنهم مش هايكونوا مع ربنا (هناك يكون البكاء و صرير الأسنان) ... يعني هايبعدوا عن مصدر الحياة و النور إلى الأبد

لكي يتمجد اسم ربنا يسوع المسيح فيكم و انتم فيه بنعمة إلهنا و الرب يسوع المسيح

تسالونيكي الثانية 1 : 12

بيختم القديس بولس الرسول الجزء ده بصلاة إن ربنا يتمجد في ولاده في الضيقات

نتعلم إيه؟

ربنا مع طول إمهاله عايز الكل يتوب و يخلص ... لكن من يرفض التوبة نصيبه الهلاك الأبدي ... بينما الأبرار يضيئون بالمجد في ملكوت أبيهم

🙏 يا رب خلّي فكر السماء على طول يكون جوايا ... يعزّيني و يصبرني في ضيقاتي

3: موعد يوم الدينونة



- للأسف كان فيه شائعات كاذبة (بعضها إدعى أصحابها إنها من بولس الرسول شخصياً) إن "يوم الرب" كنهاية العالم جاي خلاص على الأبواب! و عمالين يقلقوا و يخوفوا اخواتهم بالكلام ده و يفتوا في تواريخ و مواعيد
- بل بعضهم قال إن اليوم ده جه خلاص من غير ما يحسّوا (عشان بولس قال: "يوم الرب كلص في الليل هكذا يجيء" (تسالونيكي الأولى 5 : 2))! و إن ربنا سابهم في العالم و تركهم للضيقا... طبعاً الكلام ده مقلق جداً لناس عايشة في اضطهادا
- بولس الرسول بيطقنهم و قال لهم: الكلام ده غلط خالص!
 - مجيء ربنا مفرح لكل المؤمنين بيه (مش يوم خوف ليهم)
 - ده مش وقت المجيء الثاني

نتعلم إيه؟

الشیطان مش هایقف یتفرج ... أهم حاجة له إنه یحاول ینشر أفكار غلط بعبدة خالص عن فکر الأبدیة وسط ولاد ربنا عشان ما یفکروش فیها بل فی الدنیا بس

🙏 یا رب خلینا لا نجھل أفكار و حروب الشیطان ... نثبت علی ما تعلمنا و ناخذ أفكارنا من کلمتك المقدسة ... نبقی ثابتین قدام کل البدع و الهرطقات

4: علامات يوم الدينونة



- و بعد كده بولس طمّنهم ... فكّرهم بالتعاليم اللي علّمها لهم لما كان معاهم، إن قبل المجيء الثاني هاييجي "ضد المسيح" كملك شرير جداً معه كل قوة الشيطان، و هاتحصل العلامات اللي قال عليها ربنا يسوع (في مرقس 13) ... لكن في الآخر ربنا يسوع هاييجي و يغلب

و ربنا نفسه يسوع المسيح و الله ابونا الذي احبنا و اعطانا عزاء ابديا و رجاء صالحا
بالنعمة يعزّي قلوبكم و يثبتكم في كل كلام و عمل صالح

تسالونيكي الثانية 2 : 6 , 7

صلاة جميلة نطلب فيها من ربنا التعزية و الصبر

نتعلّم إيه؟

ناس كتير أهم حاجة ليها إنها تدور على الأوقات و الأزمنة و معاد نهاية العالم ... رغم إن كلام ربنا يسوع واضح: ما حدش هيعرف اليوم ده 🙏
يا رب خليني أنشغل بتوبتي أنا و خلاصي و نهاية عمري ... أنتظر هذا اليوم و أستعد له
عشان يكون يوم الراحة و التعزية لي

5: رسالة لمن لا يريد أن يعمل



• كان فيه ناس رافضة تشتغل! (كان بولس نبّهم للنقطة دي في الرسالة الأولى اكن لسة مكانتش اتضبطت)

• يمكن كانوا فاكربين إن "يوم الرب قريب" بمعنى إنه في خلال أيام، فنشتغل ليه لو كده؟

- و يمكن كانوا كسولين و عايزين يعيشوا على فضلات الناس الأغنياء و يشتغلوا عندهم أي حاجة (شحاتة مقنّعة ... دي مشكلة كانت موجود في روما زمان)
- القديس بولس نبّهم إن ده الصح: إن الإنسان يشتغل عشان يكفّي نفسه و بيته، و كمان يقدر يساعد باقي الناس

لأننا نسمع أن قوماً يسلكون بينكم بلا ترتيب لا يشتغلون شيئاً بل هم فضوليون

تسالونيكي الثانية 3 : 11

حتى الرهبان بيشتغلوا عشان مايبقوش عالة على غيرهم ... قاعدة واضحة و صريحة

و لا أكلنا خبزاً مجاناً من أحد بل كنا نشتغل بتعب و كد ليلاً و نهاراً لكي لا نثقل على أحد منكم ليس أن لا سلطان لنا بل لكي نعطيكم أنفسنا قدوة حتى تتمثلوا بنا

تسالونيكي الثانية 3 : 8 و 9

بولس أعطاهم مثال و قدوة في نفسه! قال لهم افكروا أنا لما كنت بينكم (رغم إن الفاعل مستحق أجرته) اشتغلت بيديّ عشان لا أثقل عليكم

و رب السلام نفسه يعطيكم السلام دائماً من كل وجه الرب مع جميعكم

تسالونيكي الثانية 3 : 16

ختم الرسالة بسلامة إن في ضيقتهم يعطيهم ملك السلام سلامه

نتعلّم إيه؟

التفكير في الأبدية مش معناه إن الإنسان يعيش عالة و بلا هدف في الدنيا ... إحنا أصحاب رسالة و أمناء

🙏 يا رب خليني أرفع اسمك بأمانتي في حياتي و دراستي و شغلي ... زي يوسف و دانيال



المراجع

- موقع [The Bible Project](#)
- وعظة أبونا داود لمعي من [برنامج فتشوا الكتب](#)
- موقع [القديس ت كلاهيمانوت](#)